

“Agur!! Solozabal ta Solozabal’ tar on-“Paulin”



Aita Santi Onaindia, Olazar’ tar Martin eta Arrinda’ tar Anes’ ekin batera ezagutu neban “PAULIN”, EUSKERAZAINZA’ ren batzarretan orain dirala 30 urte inguru.

Aita Santi il zanean eta Olazar’ tar Martin’ egaz Euskeraz idazten asi, gure idaz-lanak ZER eta EUSKERAZAINZA’ ko aldizkarietan agertu zitezten, aste-
ro ia egun bitan agurtzen neban, eurak bizi ziran Mungia’ ko parroki-etxean.

Baita-ta EUSKERAZAINZA ta EUSKERAZALEA’ ren batzarretan, sekula ez ebalako utsik egin Olazar’ tar Martin’ egaz batera.

Gugaz alkartzen zanean beti umore onakin eta olerkari ondokoi-lez, gure alkar-izketak, beti izan ziran irri-mirrikazkoak⁽¹⁾ eta ainbat barre egiten ge-
nuen, bata-besteari esanekoak, sakonezko txantxetan edo ta zirto-gogoz⁽²⁾ egiten genduzanean.

Batzarretan berba gitxikoa zan, baiña oarkari⁽³⁾ aundia, eta beren zeaztunak beti joaten ziran artez arazoaren biotzera.

Bere apaiz botugintzan JAUNGOIKUA’ gaz guztiz maite-minduta, ibili dan leku guztietan eta Mungia’ ko errian batez be, erritarren artean beti euki eban Je-
sus’ en mezua ta Ama-Birjiña’ ren maitasuna. Eta bere erriko egurats-aldietan nekez ikusiko gendun, eskuetan zillarrezko errosario edo agurtza barik gabe.

Euskalerriaren seme izanez gain, beragaz sakon maite-minduta egon za-
lako, ele-eder idaz-lan bidez berari eskaiñi eutson bere barnean euki eban gogo ederrena.

Gitzi ez dana izan, Eguna, Karmel, Olerti eta Deia’ n “EGIEDER eta PAULIN” izen-ordeakaz idatziz gain, ama-bost liburu-be idatzi ebazan, Euskalerri’ ko oiñarriaren izaera ta jakintza, edertasunez Euskalerrian zabalduz.

Beren askeneko olerki-liburua “EDER-MIN” da, eta lenengo eresi’ ak au esa-
ten dabe:

“EDER-MIN”

Odolaren indarra
berez doa aurrera
gizarte bizian,
berekautan dario
suzko indar bizia
azurren artian.

Gizonaren bizia
gora goraka doa
goizalde argian,
eguzki almentsua
zeru auditik dator
aurrerapidian.

1.-Irri-mirrikazko alkar-izketak = conversaciones irònikaz. / 2.- Zirto-gogoz = dicho con ironia fina
3.- Oarkari = observador.

Bizitza osasuna,
bipil, doa odolez
ezti gozoetan,
gizona sendo doa
laguntza biziagaz
mamin bizietan.

Argia ta odola
biak bat egin dira
osasun biziaz,
izarrez indartzen da
odol gorri gorria
bizitza maitiaz.

Biziaren ardatza
biotz sendoan dago
taupada ederrez,
biotza ta burua
lagun kutunak dira
biak maitasunez.

Bizitz osasuntsua
odol gorritik dator
itzak lagundurik,
odolaren ederra
esker-miñetan dago
biotzez ondurik.

Solozabal ta Solozabal´tar Paulin 1.912´an Lorailla´ren 4´an Etxebarria´n jaio zan, eta Mungia´n il, 2.009´ko Irailla´ren 1´ean.

2.009´an Irailla´ren 3´an, Mungia´n Andra Mari eta San Pedro apostolu-a´ren Parrokia´n egin ziran bere Arima´ren aldeko elizkizunak, Blazkez´tar Rikardo Bizkai´ko gotzaiña zala mez-emaille, beste ogeita amar apaiz-lekaide lagun eukazala.

Gotzaiña, Gazteleraz asi zanean, ni eleizatik urten bear izan neban, enebalako on artzen Paulino eta Euskaldun guztiai alan illarkatzea⁽⁴⁾, Etxenagusia ta Uribe´tar Karmelo´ri egin jakon antzera.

Eta gitxiago, mez-emaille danak ez ba-ebezan ezagutzen ildako Paulin ta Euskaldunak.

Ogeita amar apaiz-lekaide egon ziran an, Paulin ondo ezagutzen ebenak, eta lotsa elburu dala, ez zan izango naiko meza orren buru izanagaz, eta mez-emaille-sermolari ondo ezagutzen ebanak emon egiala ?.

Gizartean "LOTSA" da leenengo baldintza, eta erritarrak zelan joango dira mezara eta ekanduzko oiturak zaindu, bertan erritarrak guzurtu egiten badutse.

Gu Bion alkar ezagutza:

Ni goian esan dodan lez, Aita Santi´gaz Tolosa´n egin zan batzarrera EUSKERAZAINZA EUSKERA´ren ERRI AKADEMIA sortzeko zala joanda, eza-gutu neban Solozabal´tar Paulin, Olazar eta Uribe´tar Martin, Arrinda´tar Anes, Augustin Zibikarai, Zubiri´tar Iñaki, Jon Erramun, Latxaga, Latiegi´tar Bizente, Aita Lino, Oñatibia´tar Manu, eta ainbat gizon-emakume argitsu-agaz batera. Ortik aurrera beti batera ibilita, Euskerazaintza eta Euskera-zale´aren aldeko ekintza-bidez.

(4) Illarkatzea = *faltar al respeto*.

Eta ITZA´ren gandik, zer ulertzen eban berak jakin daigun, bere "EDER-MIN" olerki liburutik artuko dot beren gogamena:

"ITZA"

Gizonaren argia
urrezko itzez dator
giza batzarrean,
itz ederraren tajuz
giza batzar guztia
argituz lurrian.


Gora goraka doa
euskaldun itz jatorra
edertasunean,
giza jakituria
ardura bitxiz dabil
izkuntz bikaiñean.

Jakitori bikaiña
itz jariotan dator
bizitza ondurik,
argia ta ederra
jakituriak dakart
biak alkarturik.

Eusko izkuntz jatorra
zoramenetan dago
euskaldun zelaian,
jakitori ta itza
biak alkartzen dira
adimen argian.

Euskaldun itz bikaiña
zoramenetan dago
auzkoen miñean,
euzko jakituriak
urratuten dau itza
alkartasunean.

Bikainki ta bikainki
itzak edertzen dabe
euzkoen izketa,
izkuntz zoragarria
agertzen da lur ontan
itzak eraginda.



**Agur Paulin,
egun aundira
arte !!**

Atutxa´tar Paul
ZORNOTZA´n 2.009´an Irailla´ren 7´an